

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj 7/10), Vlada Zeničko-dobojskog kantona, na 159. sjednici, održanoj 07.09.2018. godine, d o n o s i

ZAKLJUČAK

I.

Prihvata se mišljenje Ministarstva za prostorno uređenje, promet i komunikacije i zaštitu okoline o Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona, predlagača Duvnjak Jasmina, Sarajlić Ismeta, Jupiće Amre i Huseinagić Muniba.

II.

Zaključak sa Mišljenjem iz tačke I. ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____/18.

Datum 07.09.2018. godine

Z e n i c a

PREMIJER

Miralem Galijašević

DOSTAVLJENO:

- 1x Ministarstvo za prostorno uređenje,
promet i komunikacije i zaštitu okoline,
- 1x Stručna služba Skupštine Zeničko-dobojskog kantona,
- 1x a/a.



Broj: 12-02-14598/18
Zenica, 06.09.2018. godine

Na osnovu odredbi člana 152., a u vezi sa članom 118. stav 3. i članom 128. stav 2. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj 7/12, 12/13 i 10/18), Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje

MIŠLJENJE

o Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona kojeg su predložili poslanici Duvnjak Jasmin, Sarajlić Ismet, Jupiće Amra i Huseinagić Munib, a koje glasi:

U navedenom Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona predloženo je da se u članu 1., a koji se odnosi na dopunu člana 9. stav (1) doda obaveza da nadležna gradska/općinska služba prilikom utvrđivanja broja i razmještaja taksistajališta, broja stajališnih mjesta za taksivozila na taksistajalištima koja se nalaze na javnim površinama razmatra i dostavljena mišljenja taksiprijevoznika i gradskog/općinskog udruženja taksiprijevoznika.

Ministarstvo za prostorno uređenje, promet i komunikacije i zaštitu okoline imajući u vidu stavove iz mišljenja Konkurencijskog vijeća BiH, broj: 01-26-7-009-4/18 od 26.07.2018. godine, smatra navedenu dopunu člana prihvatljivom iz razloga što se na ovaj način ne ograničavaju prava svih učesnika na relevantnom tržištu obzirom da se ostavlja mogućnost da se svi taksiprijevoznici kao i sva udruženja taksista koja su registrovana kao i eventualno nova taksiudruženja stavljaju u ravnopravan položaj, a što je u skladu sa odredbama Zakona o konkurenciji.

U navedenom Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona predložene izmjene u članu 2. odnose se na izmjenu i dopunu člana 10. stav (2) tako što se uvodi obaveza raspisivanja javnog poziva samo za slobodna taksistajališta.

Ministarstvo za prostorno uređenje, promet i komunikacije i zaštitu okoline imajući u vidu stavove iz mišljenja Konkurencijskog vijeća BiH, broj: 01-26-7-009-4/18 od 26.07.2018. godine, smatra navedenu izmjenu i dopunu iz člana 2. Odluke neprihvatljivom iz razloga što je u suprotnosti sa odredbama Zakona o konkurenciji u smislu ograničavanja i kontrole tržišta.

Ovako djelimično pozitivno mišljenje o Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona ovo ministarstvo je utemeljilo u već datom mišljenju Konkurencijskog vijeća obzirom da je riječ o odredbama sličnog sadržaja.

Imajući u vidu navedeno Ministarstvo za prostorno uređenje, promet i komunikacije i zaštitu okoline predlaže Vladi Zeničko-dobojskog kantona da prihvati mišljenje o Prijedlogu Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona, predlagača Duvnjak Jasmina, Sarajlić Ismeta, Jupiće Amre i Huseinagić Muniba.



Dostavljeno:

1 x Stručna služba Vlade Zeničko-dobojskog kantona,

1 x Premijer Zeničko-dobojskog kantona,

1 x a/a.